

He Kōrero Whānui	2
<b>He Whakamārama</b>	2
<b>Te Waihanga Tukutuku</b>	2
Te Tikanga ā-Iwi	3
<b>Te Iho o Tikanga ā-Iwi</b>	3
<b>Ngā Whakaaro Whānui</b>	4
<i>Whakaaro Whānui 1: Kirirarautanga mātātoa</i>	4
<i>Whakaaro Whānui 2: Te ao Māori</i>	4
<i>Whakaaro Whānui 3: Aotearoa</i>	4
<i>Whakaaro Whānui 4: Te ao whānui</i>	4
<i>Whakaaro Whānui 5: Iwi taketaketanga</i>	4
<i>Whakaaro Whānui 6: Ngā take o te wā</i>	4
<i>Whakaaro Whānui 7: Huarahi ako</i>	4
<i>Whakaaro Whānui 8: Te mātauranga Māori</i>	5
<i>Whakaaro Whānui 9: Te reo Māori</i>	5
Te Tukutuku Ako mō Tikanga ā-Iwi	6
Te Tukutuku Aromatawai mō Tikanga ā-Iwi, Taumata 6-8	10
<b>Ngā Pūkenga (Tikanga ā-Iwi)</b>	11
<b>Te Wetewete i ngā Paerewa</b>	11
<b>Hōtaka Ako: He taurira</b>	1

# He Kōrero Whānui

## He Whakamārama

Ko te whāinga o te tukutuku ako he tautohu i ngā akoranga tāpua i roto i te wāhanga ako, ā, ka tuituia ēnā akoranga tāpua ki raro i ngā whakaaro whānui mō taua wāhanga ako. He rauemi hou te tukutuku ako hei whakamahinga mā te kaiako ki te waihanga i tētahi hōtaka ako e whai wāhi mai ai ngā akoranga matua katoa o taua wāhanga ako.

Ehara i te mea e herea ana te tukutuku ako ki tētahi whakaraupapatanga ako kotahi. Ka tīmata pea te raupapatanga ako i tētahi horopaki ako e hāngai ana ki te taiao o te kura, i tētahi āhuatanga rānei e ngākaunui ana ngā tauira. Ka hāngai pū pea tēnei kaupapa ako ki tētahi whakaaro whānui, heoi kei reira hoki ōna kōtuituinga ki ētahi atu whakaaro whānui. Kua waihangatia mai ngā tukutuku kia wātea ai te kaiwhakaako ki te whakarite hōtaka ako tāwariwari, mārama anō hoki.

Ka oti ngā puka ārahi i te whakaako me te aromatawai te waihanga, ka whakatauiratia ki ētahi horopaki e kitea ai te hāngai ki ngā whakaaro whānui. Heoi anō, ehara i te mea e herea ana, e toka ana rānei ēnā tauira. Ko ngā horopaki ka whakatauiratia, ka taea hoki pea i ētahi atu whakaaro whānui.

Mā te tukutuku aromatawai hei tautohu ngā akoranga e tōtika ana mō te whiwhi tohu, ā, ka whakatau iho hoki i ngā paerewa hei whakatutuki i tēnā tohu, te momo aromatawai me te taumaha o ngā whiwhinga. Kia mahara anō hoki, ehara i te mea he whakamātautau ā-pepa anake te aromatawai ā-waho; arā anō ngā kōwhiringa hei whakatutuki i te aromatawai ā-waho. Ā, pērā anō i te tukutuku ako, ehara i te mea e herea ana, e toka ana rānei ngā whakaraupapatanga aromatawai, engari kua whakaritea kia ngāwari te whakahāngai ki ngā marautanga ā-kura.

## Te Waihanga Tukutuku

I waihangatia mai ngā tukutuku e ētahi ohu mātanga e mātau ana ki tēnā wāhanga ako, ki tēnā wāhanga ako. Nā rātou nei ngā whakaaro whānui mō ia wāhanga ako i waihanga. Ko ngā akoranga tāpua ngā akoranga kāore nei e tika ana kia mahue, kia whakarēerea noatia. He rerekē i ia wāhanga ako, nā te rerekē o ngā tikanga me ngā ritenga i ahu mai ai ēnā mātauranga. Heoi anō, he āhuatanga ako kei tēnā, kei tēnā i pūtakea mai i ēnei momo mōhiotanga e toru e whai ake nei:

- te maumahara me te tātai meka;
- te mātau ki ngā whakaaro me te whakahāngai ki ngā horopaki huhua;
- ngā tukanga waihanga, whakamātautau hoki i ētahi mātauranga hou i roto i te kaupapa ako, tae atu ki ngā pūkenga me ngā mōhiotanga tukanga.

I hangā mai ngā tukutuku kia māmā ai tā te kaiwhakaako whakarite hōtaka ako e whai wāhi mai ai ngā tauira huhua rerekē me ō rātou tāera ako.

# Te Tikanga ā-Iwi

## Te Iho o Tikanga ā-Iwi

*“Kāore i kotahi te whakahaere o ngā tikanga ā-iwi. He iwi anō me ōna tohunga me ōna tikanga me āna whakahaere. Hiki atu he iwi, pērā tonu. Nō reira, kia mau koe ki ōu ake.... Mā ō rātou uri e mau ō rātou nā kōrero. Engari kia mau koe ki ngā kōrero a ōu mātua, a ōu tūpuna. Ina ka tika, ka waiho mai ētahi mātauranga hei taonga mōu.” (Te Whatahoro, 1865)*

I puta ake te wairua o te Tikanga ā-Iwi i roto i ngā kupu a Te Whatahoro, arā, te āta titiro ki ngā āhuatanga huhua o te tangata e mārama ai te ākongā ki tōna ao. Ka tirohia ngā mahi a te tangata hei whakatutuki i ōna matea kikokiko, matea pāpori, matea ngākau, matea wairua anō hoki.

I roto i te Tikanga ā-Iwi ka whakawhanaketia e te ākongā tōna mōhio ki ngā āhuatanga porihanga me tōna mārama ki ngā āhuatanga whanonga tangata. Mā tēnei, ka taea e te ākongā te uru i runga i te mōhio, i te haepapa hoki ki ngā mahi waihanga porihanga. Ko te Tiriti o Waitangi me ōna āhuatanga katoa te tākū o te Tikanga ā-Iwi. E mārama ai te ākongā ki tōna ake tūrangawaewae mā te arotahi ki ngā tāngata, ngā tūāhua me ngā whakaawenga i waihangatia ai te porihanga o Aotearoa. Ka titiro hoki te ākongā ki te noho a ngā iwi o tāwāhi, arā, ki tā rātou nei titiro ki te ao. Ka tūhura hoki te ākongā i ngā take o te wā kia mārama ai ia ki ngā tūāhua me ngā tāngata tāpua o tēnei ao.

## **Ngā Whakaaro Whānui**

Mā ngā Whakaaro Whānui te mātu o te wāhanga ako Tikanga ā-Iwi e kapo, e kōpaki. Mā ngā Akoranga Tāpua e tohu me pēhea tā te ākongā aruaru i ngā Whakaaro Whānui i ia taumata o te marautanga.

### **Whakaaro Whānui 1: Kirirarautanga mātātoa**

Ko te whāinga matua o te Tikanga ā-Iwi kia tū tangata te ākongā i te ao Māori, i te ao whānui anō hoki, e taea ai e ia te uru i runga i te mōhio, i te haepapa hoki ki ngā mahi waihanga porihanga.

### **Whakaaro Whānui 2: Te ao Māori**

Kia whai wāhi te ākongā ki:

- te whakawhanake māramatanga ki te mana motuhake o te iwi Māori;
- te whakapūmau i te reo Māori, i ngā tikanga Māori me ngā kōrero tuku iho, i tā te Māori titiro ki te ao;
- te ārohi i ngā huatau o te whānau, o te hapū, o te iwi me ngā pānga hoki o ēnei ki te tuakiri Māori;
- te āta tiro tiro i ngā take o roto, o waho hoki o Aotearoa, e whai pānga ana ki te whakatutukinga o ngā wawata pāpori, tōrangapū, ahurea, ohaoha hoki o te iwi Māori.

### **Whakaaro Whānui 3: Aotearoa**

Kia whai wāhi te ākongā ki te ako mō ngā tāngata, mō ngā tūāhua me ngā whakaawenga i waihangatia ai a Aotearoa.

### **Whakaaro Whānui 4: Te ao whānui**

Kia whai wāhi te ākongā ki te titiro ki te noho a ngā iwi o tāwāhi me tā rātou nei titiro ki te ao.

### **Whakaaro Whānui 5: Iwi taketaketanga**

Kia whai wāhi te ākongā ki te ako mō ngā take i pā, ā, e pā tonu nei hoki, ki ngā iwi taketake o te ao.

### **Whakaaro Whānui 6: Ngā take o te wā**

Kia whai wāhi te ākongā ki te tūhura i ngā take me ngā tāngata tāpua o te wā.

### **Whakaaro Whānui 7: Huarahi ako**

Ko te huarahi ako i te Tikanga ā-Iwi ko te tukanga o te pakirehua pāpori. Mā roto i tēnei tukanga ka whai wāhi te ākongā ki:

- te patapatai, te tukatuka pārongo me te whakawhiti kitenga (Pakirehua);
- te tūhura i ngā rerekētanga o te titiro, o te whakaaro, o te uara, ā, me ngā take mō ēnei āhuatanga (Te Tūhuratanga Uara);
- te tiro tiro take, te tautohu me te arotake otinga, te whakatau huarahi hei whakamatara take pāpori (Te Koringa Pāpori).

### ***Whakaaro Whānui 8: Te mātauranga Māori***

Nō mai rā anō te mātauranga Māori. E mau tonu nei, ā, haere ake nei. Mau ai te mātauranga Māori i roto i ngā whakapono, ngā uara me ngā tikanga o te ahurea Māori.

### ***Whakaaro Whānui 9: Te reo Māori***

Ko te reo te waka kawē i te whakaaro. Mā te tupu o te reo e tupu ai te hinengaro.

## Te Tukutuku Ako mō Tikanga ā-Iwi

<b>Ngā Whakaaro Whānui</b>	
<b>Kirirarautanga mātatoa</b>	<p>Ko te whāinga matua o te Tikanga ā-Iwi, kia tū tangata te ākongā i te ao Māori, i te ao whānui anō hoki, e taea ai e ia te uru i runga i te mōhio, i te haepapa hoki, ki ngā mahi waihanga porihanga.</p> <p>Ka tutuki tēnei whāinga mā te whai wāhi o te ākongā ki te:</p>
<b>Te ao Māori</b>	<ul style="list-style-type: none"> <li>• Whakawhanake māramatanga ki te mana motuhake o te iwi Māori;</li> <li>• Whakapūmau i te reo Māori, i ngā tikanga Māori me ngā kōrero tuku iho, i tā te Māori titiro ki te ao;</li> <li>• Ārohi i ngā huatau o te whānau, o te hapū, o te iwi hoki me te pānga o ēnei ki te tuakiri Māori;</li> <li>• Āta tiroiro i ngā take o roto, o waho hoki, o Aotearoa e whai pānga ana ki te whakatutukinga o ngā wawata pāpori, tōrangapū, ahurea, ohaoha hoki o te iwi Māori.</li> </ul>
<b>Aotearoa</b>	<ul style="list-style-type: none"> <li>• Ako mō ngā tāngata, ngā tūāhua me ngā whakaawenga i waihangatia ai a Aotearoa.</li> </ul>
<b>Te ao whānui</b>	<ul style="list-style-type: none"> <li>• Titiro ki te noho a ngā iwi o tāwāhi me tā rātou nei titiro ki te ao.</li> </ul>
<b>Iwi taketaketanga</b>	<ul style="list-style-type: none"> <li>• Ako mō ngā take i pā, ā, e pā tonu nei hoki, ki ngā iwi taketake o te ao.</li> </ul>
<b>Ngā take o te wā</b>	<ul style="list-style-type: none"> <li>• Tūhura i ngā take me ngā tāngata tāpua o te wā.</li> </ul>
<b>Huarahi ako Pakirehua Pāpori</b>	<ul style="list-style-type: none"> <li>• Patapatai, te tukatuka pārongo me te whakawhiti kitenga (Pakirehua);</li> <li>• Tūhura i ngā rerekētanga o te titiro, o te whakaaro, o te uara, ā, me ngā take mō ēnei āhuatanga (Te Tūhuratanga Uara);</li> <li>• Tiroiro take, te tautohu me te arotake otinga, te whakatau huarahi hei whakamatara take pāpori (Te Koringa Pāpori).</li> </ul>

<p><b>Te mātauranga Māori</b></p>	<ul style="list-style-type: none"> <li>Nō mai rā anō te mātauranga Māori. E mau tonu nei, ā, haere ake nei. Mau ai te mātauranga Māori i roto i ngā whakapono, ngā uara me ngā tikanga o te ahurea Māori.</li> </ul>		
<p><b>Te reo Māori</b></p>	<ul style="list-style-type: none"> <li>Ko te reo te waka kawea i te whakaaro. Mā te tupu o te reo e tupu ai te hinengaro.</li> </ul>		
<p><b>Ngā Akoranga Tāpua</b></p> <p><b>Taumata 6-8 o Te Marautanga o Aotearoa</b></p>			
	<p><b>Taumata 6</b></p>	<p><b>Taumata 7</b></p>	<p><b>Taumata 8</b></p>
<p><b>Tikanga ā-lwi</b></p>	<p>6.1 Ko te mahi takitahi, ā-rōpū, ā-pūtahi rānei, ki te whakatairanga i te tōkeke pāpori me ngā motika tangata.</p>	<p>7.1 Ka kawea, ka whakamahia e ngā hapori me ngā whenua ō rātou haepapa me ō rātou motika i roto i ngā horopaki ā-hapori, ā-whenua, ā-ao hoki.</p>	<p>8.1 Mā ngā whakapono tōrangapū e waihanga te porihanga, ā, e rerekē ana te urupare a te takitahi, a te rōpū rānei ki ēnei whakapono tōrangapū.</p>
	<p>6.2 Ko te urutau me te rerekē haere o ngā ahurea, me ngā putanga iho o ēnei tūāhua mō te porihanga.</p>	<p>7.2 I ētahi wā, nā te rerekē o ngā whakapono me ngā ariā ahurea, ka tutū te puehu, ka puta te mānukanuka.</p>	<p>8.2 Ka whakaawe te āhua o ngā whakahoutanga i ngā motika, ngā tūranga me ngā haepapa o te takitahi me te hapori, ā, ka whakaawe anō ngā motika, ngā tūranga me ngā haepapa o te takitahi me te hapori i te āhua o te whakahoutanga.</p>
	<p>6.1 Ko ngā pūtaketanga me ngā otinga o ngā tūāhua o mua i waihanga i te āhua noho a</p>	<p>7.1 Ko ngā āinga me ngā rōpū o mua i whakaawe i ngā pūtaketanga me ngā otinga</p>	<p>8.1 Ko ngā pūtaketanga, ngā otinga me ngā whakamāramatanga i ngā tūāhua o mua e whai tikanga ana ki Aotearoa nei,</p>

<b>Hītori</b>	te iwi o Aotearoa.	o ngā tūāhua o mua e whai tikanga ana ki Aotearoa.	he tino tuatini, ā, kei te tautohetia.
	6.2 He rerekē te titiro a te tangata ki ngā tūāhua o mua e whai tikanga ana ki Aotearoa.	7.2 He rerekē ngā whakamāram a a tēnā iwi, a tēnā iwi, mō ngā tūāhua e whai tikanga ana ki ngā tāngata o Aotearoa.	8.2 E whakaata mai ana ngā tikanga o te wā i ngā āinga pāpori, ngā āinga ohaoha me ngā āinga tōrangapū hoki.
<b>Matawhenua</b>	6.1 He motuhake tonu ngā āhuatanga o te taiao tūturu me te taiao ahurea, ā, ka waihangatia ēnei e ngā tukanga whakaauaha taura mokowā.	7.1 Ko ngā taura tūturu, ngā taura ahurea me ngā tukanga, ā tōna wā, ka rerekē, ā, ka rerekē anō te korahi mai i tēnā wāhi, ki tēnā wāhi.	8.1 Ko ngā taiao tūturu me ngā taiao ahurea ka waihangatia i ngā tukanga pāhekoheko, ā, ka taka i raro i ngā whakatau me ngā korahi rerekē.
	6.2 He maha ngā ara pāhekoheko rerekē a te tangata ki tōna taiao.	7.2 Kua rerekē haere ngā whakaaro me ngā hononga ki te taiao tūturu me te taiao ahurea.	8.2 He rerekē ngā uara, ngā whakaaro me ngā urupare a te tangata ki ngā kōwhiringa, ngā aukati me ngā otinga ohaoha, pāpori, ā-taiao hoki o te whakarite me te whakatau kaupapa.
<b>Ōhanga</b>	6.1 Nā te mōmōhanga, ka whakatau tikanga ngā kaiwhakapeto, ngā kaiwhakanao me te kāwanatanga ka pā ki te porihanga o Aotearoa.	7.1 Mā te ōhanga ka mārāma ngā take ohaoha o Aotearoa i tēnei wā.	8.1 He tino māia ngā mākete kei te pai ngā mahi, engari me whakatōtika te kāwanatanga i ngā mākete kāhore i te tuku pai, i te tuku tika rānei, i ngā hua.



	<p>6.2 He taupuhipuhi ngā rāngai rerekē o te ōhanga o Aotearoa.</p>	<p>7.2 He tino tata ngā take ohaoha kei Aotearoa nei.</p>	<p>8.2 He maha tonu ngā whakaawenga kei runga i te āhua me te rahi o te ōhanga o Aotearoa.</p>
--	---	---	--

## Te Tukutuku Aromatawai mō Tikanga ā-Iwi, Taumata 6-8

Taumata 6	Paerewa 1.1	Paerewa 1.2	Paerewa 1.3	Paerewa 1.4
<b>Paerewa</b>	Te whakaatu māramatanga ki ngā take e pāpā ana ki te reo Māori	Te whakaatu māramatanga ki ngā take tuakiri tangata	Te whakaatu māramatanga ki ngā tikanga Māori e pā ana ki te pupuri me te tuku mātauranga	Te whakaatu māramatanga ki ngā tirohanga kē e pā ana ki tētahi take o te wā
<b>Momo Aromatawai</b>	Ā-roto	Ā-roto	Ā-waho	Ā-waho
<b>Whiwhinga</b>	6	6	4	4

Taumata 7	Paerewa 2.1	Paerewa 2.2	Paerewa 2.3	Paerewa 2.4
<b>Paerewa</b>	Te tūhura i ngā take e pā ana ki te whakamahi whenua	Te tātari i te whakaawenga a te ahurea Māori i te tuakiri o Aotearoa	Te tātari i tētahi take i tutū ai te puehu i Aotearoa	Te tātari i ngā pāpātanga o tētahi tūāhua o mua ki te iwi taketake
<b>Momo Aromatawai</b>	Ā-roto	Ā-roto	Ā-waho	Ā-waho
<b>Whiwhinga</b>	6	6	4	4

Taumata 8	Paerewa 3.1	Paerewa 3.2	Paerewa 3.3	Paerewa 3.4
<b>Paerewa</b>	Te tātari i tētahi rautaki whakapūmau ahurea a tētahi iwi taketake	Te tātari i ngā pāpātanga o tētahi take ohaoha ki te iwi Māori	Te tātari i te panonitanga o ngā tikanga Māori	Te tātari i ngā pāpātanga o te tāmitanga ki te iwi taketake
<b>Momo Aromatawai</b>	Ā-roto	Ā-roto	Ā-waho	Ā-waho
<b>Whiwhinga</b>	6	6	4	4

## Ngā Pūkenga (Tikanga ā-Iwi)

### *Kia pakari ngā pūkenga arohaehae*

Kia whakawhanaketia e te ākonga ōna pūkenga whakaaro arohaehae. Ā, kia āta whai whakaaro ki ngā āhuatanga pāhopori e whakawai nei i te tuakiri o te tangata, tae atu ana ki ngā pāpātanga o te pāhopori ki ngā rōpū iwi taketake e noho tāmi nei i waenganui i ētahi atu iwi. Kia wetekina ngā arotokatanga e pā ana ki ngā momo rōpū tangata rerekē.

### *Kia pakari ngā tirohanga rerekē ki ētahi take huhua*

Kia tūhuratia, kia whakatewhatewhatia, kia whakapātaritia e te ākonga ōna ake mātāpono, whakaaro hoki ki ētahi kaupapa huhua. Ā, kia whānui kē atu ngā tirohanga o te ākonga ki aua kaupapa huhua.

### *Pūtoi ako whaihua*

Ko te pakirehua pāpori te huarahi ako i te Tikanga ā-Iwi.

## Te Wetewete i ngā Paerewa

### Taumata 6

#### **1.1 Te whakaatu māramatanga ki ngā take e pāpā ana ki te oranga tonutanga o te reo Māori**

Ka aromatawaingia te tūhura i ngā take e pāpā ana ki te oranga tonutanga o te reo Māori. He maha ngā ara me ngā tūmomo mahi hei whakaatu i tēnei tūhuratanga, ā, ka taea mā te aromatawai arataki, mā te aromatawai whakakapi rānei.

#### **1.2 Te whakaatu māramatanga ki ngā take tuakiri tangata**

Ka aromatawaingia te whakaatu māramatanga ki ngā take tuakiri tangata. He maha ngā ara me ngā tūmomo mahi hei whakaatu i tēnei whakaatu māramatanga, ā, ka taea mā te aromatawai arataki, mā te aromatawai whakakapi rānei.

#### **1.3 Te whakaatu māramatanga ki ngā tikanga Māori e pā ana ki te pupuri me te tuku mātauranga**

Ka aromatawaingia te whakaatu māramatanga ki ngā tikanga Māori ki te pupuri me te tuku mātauranga. He maha ngā ara me ngā tūmomo mahi hei whakaatu i tēnei whakaatu māramatanga, ā, ka taea mā te aromatawai arataki, mā te aromatawai whakakapi rānei.

#### **1.4 Te whakaatu māramatanga ki ngā tirohanga kē e pā ana ki tētahi take o te wā**

Ka aromatawaingia te whakaatu māramatanga mō ngā tirohanga kē ki tētahi take o te wā. He maha ngā ara me ngā tūmomo mahi hei whakaatu i tēnei whakaatu māramatanga, ā, ka taea mā te aromatawai arataki, mā te aromatawai whakakapi rānei.

### Taumata 7

#### **2.1 Te tūhura i ngā take e pā ana ki te whakamahi whenua**

Ka aromatawaingia te tūhura i ngā take e pā ana ki te whakamahi whenua. He maha ngā ara me ngā tūmomo mahi hei whakaatu i tēnei tūhuratanga, ā, ka taea mā te aromatawai arataki, mā te aromatawai whakakapi rānei.

### **2.1 Te tātari i te whakaawenga a te ahurea Māori i te tuakiri o Aotearoa**

Ka aromatawaingia te tātari i te whakaawenga a te ahurea Māori i te tuakiri o Aotearoa. He maha ngā ara me ngā tūmomo mahi hei whakaatu i tēnei tātaringa, ā, ka taea mā te aromatawai arataki, mā te aromatawai whakakapi rānei.

### **2.3 Te tātari i tētahi take i tutū ai te puehu i Aotearoa**

Ka aromatawaingia te tātari i tētahi take i tutū ai te puehu i Aotearoa. He maha ngā ara me ngā tūmomo mahi hei whakaatu i tēnei tātaringa, ā, ka taea mā te aromatawai arataki, te aromatawai whakakapi rānei.

### **2.4 Te tātari i ngā pāpātanga o tētahi tūāhua o mua ki te iwi taketake**

Ka aromatawaingia te tātari i ngā pāpātanga o tētahi tūāhua o mua ki te iwi taketake. He maha ngā ara me ngā tūmomo mahi hei whakaatu i tēnei tātaringa, ā, ka taea mā te aromatawai arataki, mā te aromatawai whakakapi rānei.

## **Taumata 8**

### **3.1 Te tātari i ngā pāpātanga o tētahi take ohaoha ki te iwi Māori**

Ka aromatawaingia te tātari i ngā pāpātanga o tētahi take ohaoha ki te iwi Māori. He maha ngā ara me ngā tūmomo mahi hei whakaatu i tēnei tātaringa, ā, ka taea mā te aromatawai arataki, mā te aromatawai whakakapi rānei.

### **3.2 Te tātari i tētahi rautaki whakapūmau ahurea o tētahi iwi taketake**

Ka aromatawaingia te tātari i tētahi rautaki whakapūmau ahurea a tētahi iwi taketake. He maha ngā ara me ngā tūmomo mahi hei whakaatu i tēnei tātari, ā, ka taea mā te aromatawai arataki, mā te aromatawai whakakapi rānei.

### **3.3 Te tātari i te panoni o ngā tikanga Māori**

Ka aromatawaingia te tātari i te panoni o ngā tikanga Māori. He maha ngā ara me ngā tūmomo mahi hei whakaatu i tēnei tātaringa, ā, ka taea mā te aromatawai arataki, mā te aromatawai whakakapi rānei.

### **3.4 Te tātari i ngā pāpātanga o te tāmitanga ki te iwi taketake**

Ka aromatawaingia te tātari i ngā pāpātanga o te tāmitanga ki te iwi taketake. He maha ngā ara me ngā tūmomo mahi hei whakaatu i tēnei tātaringa, ā, ka taea mā te aromatawai arataki, mā te aromatawai whakakapi rānei.

## Hōtaka Ako: He taurira

	<b>Learning Focus</b> <i>(Such as theme, unit, topic, Big Idea...)</i>	<b>Connections to the Curriculum</b>		<b>Throughout the year assessment for learning happens often and evidence may be collated for summative assessment</b>	
		<b>Strands</b> <i>or</i> <b>Ways of Working</b>	<b>Significant Learning</b> <b>(Whāinga Paetae TMOA)</b>	<b>Learning Activity</b>	<b>Suggested Assessment Opportunities</b>

Term 1	Week 1-2	Te whakarite i te tūāpapa o te Tikanga ā-lwi	<b>Ngā whenu:</b> Tikanga ā-lwi Hītori Matawhenua	Tikanga ā-lwi 6.1 & 6.2 Hītori 6.1 & 6.2 Matawhenua 6.2	He akoranga whakataki i te hōtaka TAI mō te tau. Ka tirohia ngā whenu katoa e kite ai te ākongā i te whānui o te marau Tikanga ā-lwi. <ul style="list-style-type: none"> <li>• Te whakapapa o Tikanga ā-lwi</li> <li>• Ngohe maumahara</li> <li>• Ngohe tuihono pērā i a: Quizlet, Kahoot, EP, Educandy, Edpuzzle.</li> <li>• Pakirehua</li> <li>• Rautaki rangahau</li> <li>• Tukanga rangahau</li> <li>• Ngā kawatau me ngā tikanga</li> </ul>	<ul style="list-style-type: none"> <li>• He aha ngā mōhiotanga mō Tikanga ā-lwi?</li> <li>• He whānui ake ngā mōhiotanga i te mutunga o ngā wiki e 2?</li> </ul>
--------	----------	--	--	---	--	--

4-6 weeks	1.2 Te whakaatu māramatanga ki ngā take tuakiri tangata	Tikanga ā-lwi Hītori Matawhenua	Tikanga ā-lwi 6.1 & 6.2 Hītori 6.1 & 6.2 Matawhenua 6.2	Wetewetehia ngā kaupapa e pā atu ana ki te tuakiri tangata. Kia whai horopaki hoki ki te taiao o te rangatahi.  Hoatu te ngohe aromatawai 1.2 a/b/c he whakamātautau i ngā akoranga.	<ul style="list-style-type: none"> <li>Ngā mōhioranga o te ākongā ki ngā āhuatanga o te tuakiri tangata me ōna pāpātanga</li> </ul> <p>1.2 Te whakaatu māramatanga ki ngā take tuakiri tangata</p>
2-3 weeks	1.2 Te whakaatu māramatanga ki ngā take tuakiri tangata	Ōhanga	Ōhanga 6.1	Tirohia ngā pānga o te mate korona ki te ōhanga o Aotearoa. <ul style="list-style-type: none"> <li>Ngā whakataunga a te kāwanatanga hei urupare atu i ngā raru i puta i te mate korona</li> <li>Ngā hua mō te iwi Māori me ā tātou taonga tuku iho</li> </ul>	Ngā akoranga  External 1.3 Te whakaatu māramatanga ki ngā tikanga Māori e pā ana ki te pupuri me te tuku mātauranga

<b>Term 2</b>	2-3 weeks	1.1 Te whakaatu māramatanga ki ngā take e pāpā ana ki te reo Māori	Hītori	Hītori 6.1 & 6.2	<ul style="list-style-type: none"> <li>• He rārangi wā mō te reo Māori mai i ngā tau 1840 ki ēnei rā</li> <li>• Te hūnukutanga o ngā iwi me te pāpātanga ki te reo Māori</li> </ul>	Ngohe aromatawai A/B/C mō 1.1 Te whakaatu māramatanga ki ngā take e pāpā ana ki te reo Māori
	2-3- weeks	1.1 Te whakaatu māramatanga ki ngā take e pāpā ana ki te reo Māori	Tikanga ā-Iwi	Tikanga ā-Iwi 6.1 & 6.2	<ul style="list-style-type: none"> <li>• Ngā rautaki whakarauora reo Māori i tō rohe</li> <li>• Ngā pāpātanga o ngā rautaki whakarauora reo ki te iwi Māori</li> <li>• Ngā tirohanga a te porihanga o Aotearoa ki te reo Māori</li> </ul>	Ngohe aromatawai A/B/C mō 1.1 Te whakaatu māramatanga ki ngā take e pāpā ana ki te reo Māori



	2-3 weeks	<p>1.1 Te whakaatu māramatanga ki ngā take e pāpā ana ki te reo Māori</p> <p>Te whakamahi whenua</p>	Matawhenua	Matawhenua 6.2	<p>He rangahau mō ngā hīkoi ki te pāremata.</p> <ul style="list-style-type: none"> <li>• Takutai moana</li> <li>• Te Pire Reo Māori</li> <li>• Te Wiki o te Reo Māori</li> </ul>	
--	-----------	--	------------	----------------	--	--

Term 3	2-3 weeks	<p>1.3 Te whakaatu māramatanga ki ngā tikanga Māori e pā ana ki te pupuri me te tuku mātauranga</p> <p><b><u>Tā Moko</u></b></p>	<p>Tikanga-ā-lwi</p> <p>Hītori</p> <p>Matawhenua</p> <p>Ōhanga</p>	<p>Tikanga ā-lwi 6.1 &amp; 6.2</p> <p>Hītori 6.1 &amp; 6.2</p> <p>Matawhenua 6.2</p>	<ul style="list-style-type: none"> <li>• Pānui Aroā (Q&amp;A)</li> <li>• He ako ki te tīpako tuhinga</li> <li>• Pakirehua</li> <li>• Kohikohi pārongo</li> <li>• He rapa kupu matua, kīrehu, kīwaha</li> <li>• Whakarite pātai aronga</li> <li>• Kēmu maumahara</li> <li>• Mahere ako</li> <li>• 'Kohimu Hainamana'</li> </ul>	<ul style="list-style-type: none"> <li>• He kohi māramatanga i te pānui pārongo</li> <li>• He tīpako i ngā ariā matua</li> <li>• He whakarōpū i ngā pārongo me ngā raraunga</li> <li>• He mahi takirua: Maumahara</li> <li>• He whakautu pātai</li> <li>• He mahi hangarau</li> <li>• He uiui</li> <li>• He whakamārama i ētahi āhuatanga o te moko</li> </ul>
--------	-----------	--	--	--	--	--

2-3 weeks	<p>1.3 Te whakaatu māramatanga ki ngā tikanga Māori e pā ana ki te pupuri me te tuku mātauranga</p> <p><b>Tā Moko</b></p>	<p>Tikanga-ā-lwi Hītori Matawhenua Ōhanga</p>	<p>Tikanga ā-lwi 6.1 &amp; 6.2 Hītori 6.1 &amp; 6.2 Matawhenua 6.2</p>	<ul style="list-style-type: none"> <li>• Pānui Aroā (Q&amp;A)</li> <li>• Pānui ā-waha/Mahi whakarongo</li> <li>• Wetewete pārongo</li> <li>• Whakarite i ngā pātai aronga</li> <li>• Tuhi tīpako i ngā pātai aronga</li> <li>• He whakarite i tētahi tukanga rangahau</li> <li>• He tātari i ngā rerenga mahi</li> <li>• Te tika me te hē</li> <li>• He papa kēmu neke me te arapiki</li> </ul>	<ul style="list-style-type: none"> <li>• Whakarite kōpaki raraunga</li> <li>• Rapu pārongo, ka whakaputa anō</li> <li>• He parakatihi ki te tuhituhi i tētahi wāhanga o te aromatawai</li> <li>• He whakautu pātai (ā-tuhi)</li> <li>• He whakamātautau</li> <li>• He whakaraupapa rārangi wā</li> </ul> <p><i>1.3 Aromatawai Hukihuki(1)</i></p>
-----------	---	---	--	---	---

	2-3 weeks	1.4 Te whakaatu māramatanga ki ngā tirohanga kē e pā ana ki tētahi take o te wā  <b>Te Pāhuatanga o Waikato 1863</b>		Tikanga ā-lwi 6.1 & 6.2 Hītori 6.1 & 6.2 Matawhenua 6.1 & 6.2 Ōhanga 6.2		
<b>Term 4</b>	4 weeks	1.3 Te whakaatu māramatanga ki ngā tikanga Māori e pā ana ki te pupuri me te tuku mātauranga	Tikanga-ā-lwi Hītori Matawhenua Ōhanga	Tikanga ā-lwi 6.1 & 6.2 Hītori 6.1 & 6.2 Matawhenua 6.1 & 6.2 Ōhanga 6.1	<ul style="list-style-type: none"> <li>• Pānui Aroā (Q &amp; A)</li> <li>• He arotake i ngā puna rangahau</li> <li>• He arotake i ngā kupu hou me ngā kupu matua mō te whakamātautau</li> <li>• Ngā kēmu maumahara</li> <li>• He tuhituhi i ngā pārongo</li> </ul>	<i>He parakatihi i te whakamātautau 1.3</i>  <i>He parakatihi i te whakamātautau 1.4</i>
	2-4 weeks	1.4 Te whakaatu māramatanga ki ngā tirohanga kē e pā ana ki tētahi take o te wā	Tikanga-ā-lwi Hītori Matawhenua Ōhanga	Tikanga ā-lwi 6.1 & 6.2 Hītori 6.1 & 6.2 Matawhenua 6.1 & 6.2 Ōhanga 6.2	He kēmu whakamaumahara	1.3 <i>Whakamātautau</i>  1.4 <i>Whakamātautau</i>

## Kuputaka

āinga = force

ārohi = examine

aromatawai arataki = formative assessment

aromatawai whakakapi = summative assessment

arotake otinga = evaluate outcomes

kaiwhakanao = producer

kaiwhakapeto = consumer

kirirautanga mātātoa = active citizenship

korahi = scale

mōmōhanga = scarcity

motika tangata = human right

otinga = outcome

Pakirehua Pāpori = Social Inquiry

pāpātanga = impact

pūtahi = institution

pūtaketanga = causes

rāngai = sector

taiao ahurea = cultural environment

taiao tūturu = natural environment

take ohaoha = economic issues

tāmitanga = colonisation

tāpua = significant

tauira mokowā = spacial patterns

taupuhpuhi = interdependent

tāwariwari = flexible

Te Koringa Pāpori = Social Action

Te Tūhuratanga Uara = Values Exploration

tōkeke pāpori = social justice

tūāhua o mua = past event

tūāhua o mua = past event

tūhura = investigate

tukatuka mōhiohio = process information

urupare = response

waihanga porihanga = shape society

waihanga porihanga = shape society

whakaaro arohaehae = think critically

whakaawenga = influence

